

ქალაქ ფოთის მუნიციპალიტეტის მერის მრჩეველთა საბჭოს სხდომის

ოქმი N01

ქალაქი ფოთი

12.04.2019 წელი

სხდომას ესწრებოდნენ: ქალაქ ფოთის მუნიციპალიტეტის მერი გოჩა კურდღელია, მერის პირველი მოადგილე კონსტანტინე თოფურია, მერის მოადგილე პაატა ლაგვილავა, მრჩეველთა საბჭოს წევრები: ილია ქვარცხავა (თავმჯდომარე), დავით პაჭკორია, ირაიდა ფაცია, ომარ ხუხუნი, ვერიკო ლალიძე, ზაზა სიჭინავა, ლოლიტა ბაბილუა

დღის წესრიგი:

ქალაქის კეთილმოწყობასთან დაკავშირებული ინფრასტრუქტურული პროექტებისა და სარემონტო სამუშაოების მიმდინარეობის შესახებ.

მომხ. ქალაქ ფოთის მუნიციპალიტეტის მერი გოჩა კურდღელია

ქალაქის მერმა მრჩეველთა საბჭოს გააცნო ქალაქის კეთილმოწყობასთან დაკავშირებული ინფრასტრუქტურული პროექტები და მიმდინარე სარემონტო სამუშაოები კერძოდ:

1. 2018 წლის 30 ნოემბრის სტიქიით მიყენებული ზარალის ლიკვიდაცია. სალიკვიდაციო სამუშაოების ფარგლებში გადაიხურა 20 მრავალბინიანი საცხოვრებელი სახლი, 7 სკოლამდელი სააღმზრდელო დაწესებულება, აღდგენილია ელექტროგადამცემი ბოძები. 93 ოჯახს გადაეცა სამშენებლო -სარემონტო მასალები. ამ სამუშაოებისათვის ცენტრალური ბიუჯეტიდან გამოიყო 1000 000 ლარი

2. მრავალბინიანი სახლების სახურავების კაპიტალური რემონტი

პროექტის ღირებულება 600 ათასი ლარი, 11 საცხოვრებელ კორპუსს მოეხსნა სახურავის პრობლემა.

3. მრავალბინიანი სახლების ეზოების კეთილმოწყობა

პროექტი მოიცავს, 14 მრავალბინიანი სახლის ეზოების კეთილმოწყობას დამისი ღირებულება შეადგენს 760 998 ლარს.

4. მდინარე კაპარჭინის გაწმენდითი სამუშაოები

პროექტი ითვალისწინებს მდ. კაპარჭინის 3700 მეტრიანი ზოლის გაწმენდასა და პალიასტომის ტბის ჰიდროდინამიური რეჟიმის აღდგენით სამუშაოებს, პროექტის ღირებულება 1 500 000 ლარია.

5. ფოთის NN 9,11, 12, 14, 15 სკოლამდელი სააღმზრდელო დაწესებულებების გაზიფიცირება, ღირებულება 212 400 ლარი

6. ცენტრალური ქუჩების ტროტუარების კეთილმოწყობის სამუშაოების გაგრძელება, ამ ეტაპზე დაწყებულია კოსტავას ქუჩის ტროტუარის რეაბილიტაცია.

7. სახელმწიფო პროფესიული თეატრის შენობის რეაბილიტაცია

პროექტის სავარაუდო ღირებულებაა 904 824 ლარი.

8. ქალაქის ცენტრიდან მალთაყვის ბულვართან დამაკავშირებელი 1 743 ,68 მეტრიანი ბეტონის ახალი გზის მშენებლობა

პროექტის ღირებულება 862 046 ლარი

ქალაქში დაგეგმილი ინფრასტრუქტურული პროექტების მიმდინარეობასთან დაკავშირებული სიტუაცია შეაფასა მერის პირველმა მოადგილემ კონსტანტინე თოფურიამ, რომელმაც აღნიშნა, რომ ეს არის დიდი საქმე ქალაქის განვითარებისათვის, ქალაქი მიიღებს იმ ფუნქციას, რაც უნდა ჰქონდეს, გვექნება სიმბიოზი ტურისტული და სამრეწველო კუთხით, რაც უზრუნველყოფს სასიამოვნო გარემოს შექმნას მოსახლეობისა და ქალაქის სტუმრებისთვის, შეიქმნა არქიტექტორთა ჯგუფი, რომელთა რეკომენდაციის გათვალისწინებით უნდა განვითარდეს ნიკოლაძის კუნძული, კოლიმბარი, დენდროლოგიური პარკი. მერის პირველმა მოადგილემ ასევე გაამახვილა ყურადღება ყოფილი ჰიდრომელიორაციული ტექნიკუმის შენობის რეაბილიტაციისა და მდინარე კაპარჭინის გაწმენდის სამუშაოების აუცილებლობაზე, მის მიმართ ქალაქის მოსახლეობის დიდ ინტერესზე.

აზრი გამოთქვეს: ი. ფაციაშვილი, დ. პაჭკორიამ, ო. ხუბუნმა და ი. ქვარცხავამ, რომლებმაც მოიწონეს მიმდინარე და დაგეგმილი სამუშაოები, გამოთქვეს მზადყოფნა, აქტიური მონაწილეობისათვის, რათა ეს დიდი საქმე დროულად, ყველა ნიუანსის გათვალისწინებით განხორციელდეს.

მრჩეველთა საბჭოს წევრები შეთანხმდნენ პერიოდულად მოისმინონ ინფორმაცია პროექტების მომდინარეობასთან დაკავშირებით.

მერის მრჩეველთა საბჭოს თავმჯდომარე

ილია ქვარცხავა